

Mota vicentin, era retenuto, che 'l sia cavato di prexon e si apresenti.

Di domino Costanzo, che fo orator di mis-sier Zuan Jacomo, fo letere drizate a la Signoria nostra, di 12, date Avisa di la rota ave le fantarie francese da' sguizari, e il perder di l'artelarie; e come le zente d'arme francese se redusevano a Turin per radunar l'exercito, et spera presto potrà esser in campagna; et si monsignor di la Trimolia, ch'è degno capetanio, in questa cosa non farà quello si convien, perderà molto di reputatione; con altre parole, *ut in eis*.

In quarantia eriminal, reduta *post prandium*, fo menà do caxi, *videlicet* sier Francesco Donado el cavalier, avogador, che uno Andrea Balzan taia calze fo trovato a San Segundo, come prima ho scritto, è più mexi fu preso, che 'l sia ben retenuto. Ave 6 di no. È preso. *Item*, condanato uno altro gioto, feva officio di cao di guarda di cao di sestier, qual fo menato per sier Marco Miani e compagni *olim* synici in Rialto.

In questa sera, a hore una di note, morite sier Andrea Venier procurator qu. sier Lion, di età anni 74, con fama di savio e bon patricio, et exercitato in Colegio molto, *ita volente fato*. È pochi mexi sua moglie *etiam* morite. Questo era mal andato et con febre non molta mai.

A dì 17, sabato. Justa la leze fo sonato, poi terza, Gran Consejo per farlo ozi, acciò non si procurasse, et erano molti che procurava; et non fo letere in Colegio e si levò per tempo.

Da poi disnar aduncha fo Gran Consejo, et prima fo letere

Di campo, di 16, hore 23, da Ronchi, di sier Domenego Contarini provedador zeneral, date a Ronchi. Come in quella sera aspetavano de li sier Andrea Loredan, vien provedador zeneral, suo collega, et scrive il modo di l'aquisto di Lignago fato per il governador per forza; con scale montò suso quelli fanti, quali meritano la gratia di la Signoria nostra. Morti solo di nostri 3; et quelli erano dentro tuti fono taiati a pezi da numero . . . da 4 in fuora, tra li qual uno spagnol si à tolto taia ducati 3000. Scrive come in quella note fanno levar il ponte dove l'era e condurlo in suso propinquo a Verona, et loro con l'exercito da matina, per tempo, si leverano apropinquandosi a la terra; et zonti manderano uno trombete a dimandar si rendino in termine di zorni do, *aliter* li darano il guasto dentro e de fuora.

Electo procurator di la chiezia di San Marco, 200 in luogo di sier Andrea Venier, a chi Dio perdoni.

Sier Piero Capello, fo savio dil Consejo, qu. sier Zuan, procurator	319.1193
Sier Francesco Trun, fo savio dil Consejo, qu. sier Piero, qu. sier Polo procurator	318.1205
Sier Zorzi Emo, fo savio dil Consejo, qu. sier Zuan el cavalier	318.1234
Sier Stefano Contarini, fo capetanio a Padoa, qu. sier Bernardo	457. 980
Sier Nicolò Donado, fo consier, qu. sier Lucha	282.1219
Sier Alvixe di Prioli, fo consier, qu. sier Nicolò	505.1022
Sier Piero Lion, fo consier, qu. sier Simon	261.1273
Sier Christofal Moro, fo podestà a Padoa, qu. sier Lorenzo	670. 863
Sier Alvixe da Molin el savio dil Consejo, qu. sier Nicolò	702. 818
Sier Zacaria Dolfin, fo capetanio a Padoa, qu. sier Dolfin	520.1005
Sier Polo Antonio Miani, fo consier, qu. sier Jacomo	362.1199
— Sier Zacaria Cabriel el consier, qu. sier Jacomo	729. 830
Sier Anzolo Trivixan, fo capitano a Padoa, qu. sier Polo	445. 1079
— Sier Marco Bolani, fo podestà a Padoa, qu. sier Bernardo	963. 579
Sier Francesco Bragadin el consier, qu. sier Alvise procurator	527. 997
— Sier Piero Balbi, fo podestà a Padoa, qu. sier Alvixe	917. 636
Sier Polo Capelo el cavalier, fo provedador zeneral in campo, qu. sier Vetur	416.1120
Sier Hironimo Contarini, fo capitano a Padoa, qu. sier Bertuzi procurator	522. 920
— Sier Lunardo Mozenigo, fo podestà a Padoa, qu. Serenissimo	1044. 502

1520, rebotatadi quatro.

Sier Zacaria Cabriel, el consier, qu. sier Jacomo	637. 855
---	----------